

Ս Ե Ր Ո Ր

Ներքո տպագրվող պատումը գրավել է տողերս գրողի կողմից 1956 թ. նոյեմբերին, Քբիլիսից սրբու՝ մեր անվանի լեզվաբան Աշոտ Սուքիասյանի մոտ Երևան հյուր եկած Մուրադ Կուբաղյանից:

Մուրադը ծնվել է 1878 թ. հլաթի Եղակ գյուղում, որը կղն է հարևան մոտ 2 կմ հեռավորության վրա գտնվող Սերոբի ծննդավայր Սոխորդ գյուղին: Մուրադը կղն է Սերոբի կրտսեր ժամանակակիցը, հանդիպել է վերջինիս իրենց սարերում՝ Նեմրովի փեշերին, սակավին պատանեկության տարիներին, 14—15 տարեկան հասակում, հասող կղած ժամանակ: Սերոբը հարցաքննել է Մուրադին, թե որ գյուղացի է և ումոնցից է ճանաչելով Մուրադի ծնողներին՝ Սերոբը ներկայացել է Մուրադին և ինչ որ հանձնարարականներ սովել: Մուրադն իր հերթին հարց է սովել Սերոբին, թե ինչ իմաստ ունի նրա և իր մի քանի զինվորների պայքարը օսմանյան հզոր պետության դեմ: Սերոբն սկզբից ղայրացել է Մուրադի վրա՝ ասելով, թե «դա քո խոսքը չէ, քո մեծերի խոսքն է», սպա մեղմանալով՝ ավելացրի:

— Տղա, ես էլ գիտեմ, որ ոչ ես, ոչ էլ իմ զինվորները ոչինչ չենք կարող անել այս հսկա պետության դեմ: Գիտեմ, որ վաղ թե ուշ մենք դատապարտված ենք մահվան: Բայց մենք կովում ենք ձեզ համար, գալիք սերունդների համար, որպեսզի դուք և նրանք հասկանան, որ մենք կնիկ չենք եղել, և հլու ու հնազանդ չենք տարել բռնության լուծը: Մենք կզոհվենք, բայց օրինակ կծառայենք ձեզ և մյուսներին, որպեսզի ազգովի ոտքի կանգնեք և տապալեք այս անտանելի բռնակալությունը:

Առաջին աշխարհամարտից առաջ Մուրադը իր մի քանի ընկերներով մեկնում է Ամերիկա և ղբաղվում սևագործ աշխատանքով: Սակայն 1915 թ. թերթերում կարդալով Անդրանիկ ղորավարի կոչը, որով Հայաստան էին հրավիրվում ղենքի ունակ բոլոր հայորդիները, Մուրադը ղատերի հետ թողնում է Ամերիկան, վերադառնում Հայաստան և կոեք խլաթցի երիտասարդների հետ ներկայանում Անդրանիկին: Վերջինս իմանալով, որ բոլորը խլաթցիներ են, ղատ է վայրանում (մանավանդ, որ այդ կոչերը, հակառակ իր կամքի, իր անունով հղել էր Հայաստանի կառավարությունը) և ասում.

— Խլաթի կոտորածից կասու ղէր ազատվում, դուք հաղիվ փրկվել էիք, ինչո՞ւ նորեն եկաք,— և հայհոյում իր անունը ղահարկողներին: Եվ հենց այդ պատճառով էլ մերժում է նրանց խնդրանքը:

Սակայն Մուրադին այնուամենայնիվ հաջողվում է մտնել գեներալ Նազարբեկովի գլխավորած հայկական կորպուսը և մասնակցել Արևմտյան Հայաստանի համար մղված մարտերին:

Խորհրդային կարգեր հաստատվելուց հետո Մուրադը գալիս է Թիֆլիս, որ հաստատվում է մշտական բնակության:

Մուրադն անձամբ ծանոթ է եղել Սերոբի զինվորներից ղատերին, մանավանդ՝ խլաթցիներին (Առյուծ Ավագին, Բարսեղին, Փալաբեղ Կարապետին), Անդրանիկին և այլոց և քաջատեղյակ նրանց և Սերոբի բոլոր արարքներին: Այս իմաստով Սերոբի մասին Մուրադի սուլն պատումը, անկախ իր որոշ վիպական տարրերից, ունի պատմական բացառիկ հավաստիություն՝ հենված ստույգ ժամանակագրության, պատմական անձանց կոնկրետ անուններ, արարքների, տեղավայրերի հիշատակումների վրա, բոլորը՝ համապատասխան գրավոր աղբյուրների տվյալներին: Բայց կարևորն այն է, որ պատումը սերելով բանավոր ավանդությունից, մասնավորապես ղեսյքերին մասնակից ականատեսների վկայություններից և հենց իր՝ Մուրադի, իբրև Սերոբի կրտ-

սեր ժամանակակցի ու վկայի կենդանի հուշերից, պահպանել է իրադարձությունների և անձանց պատմական ճշգրտությունը: Այս առումով Մուրադի պատումը որոշ մանրամասներով, հատկապես զինվորների անունների ու ծննդավայրերի, առանձին դեպքերի և դիպվածների ստույգ հիշատակմամբ կարող է պատմական կռուտը սկզբնաղբյուր ծառայել Սերոբի կյանքի ու գործունեության ընդհանուր պատկերը վավերագրելիս:

Մուրադը խառնվածքով իրաւարտ, սխափ մտածող, վիպական շափաղանցություններն ու կրոնաստորակական հավատալիքներն արձամարհող, դեպքերի ու դեմքերի պատմական իսկությունը գնահատող անձնավորություն էր: Այս հանգամանքն իր հետքն է թողել նրա պատումի որոշակի սխեմատիզմի՝ իրադարձությունների ու անձանց, երբեմն շոր թվարկումների, վրա: Այսուհանդերձ, նա, իբրև ժողովրդի ընդերքից ելած, գրից ու գրականությունից հեռու կանգնած, ժողովրդական մտածողությամբ օժտված մարդ, իր պատումն օժտել է վիպական որոշակի գծերով, որոնք պատումին հաղորդում են ինչ որ շափով դեղարվեստական, բանաստեղծական երանգ: Այս հանգամանքն էլ թույլ է տալիս Մուրադի պատումը գնահատել նաև բանագիտական հայեցակետով, որպես հայոց մեծ ազատամարտիկի շուրջը հյուսված և բանավոր ավանդված ժողովրդական մի արժեքավոր վիպական ստեղծագործություն:

Բանասիր. գիտ. դպրոց ՍԱՐԳԻՍ ՀԱՐՈՒԹՅՈՒՆՅԱՆ

Սերոբ վարդանյան գուղական մարդու տղա էր, Սոխորդ գյուղացի էր (գտնվում է Նամրութա սարի տակ, արևելյան կողմը): Ինք էլավ գնաց Ստամբուլ՝ աշխատանքի, յետո մտավ բանվորական շարքի մեջ:

Անգլիական թեսպանատուն շինում ին: էդ տեղաց ստարշին (բրիգադիր) թուրք էր, հայ բանվորներու ամեն մե քայլ, շենքերուց վերև բանձրանալիս, քյուֆուր էր տալիս: էտիկ հրամայում ա՝ Սերոբ էրկու վեղրո ջուր ա տանում վերև. Սերոբին ժամ ու եկեղեցի, օրենք ա քվրում: էդ ժամանակ Սերոբն էդ թուրքին քցում ա ներքև, թուրք տեղոցտեղ սատկում ա:

էնտեղ թուրքյերը թէ՛ «Բիր էրման մուսուլման օլլուր դիր, թուրքը, թուրքը էրմանի դըր»¹:

Սերոբն փախավ գնաց, շրկրցան բռնել: Պարախոդով գնաց Բեկոզ՝ Աբրահամ փաշի ամառանոց: Մի քանի օր էնտեղ աշխատավ, յետո թուրքյերն էնդրա ետևից ման կուզային, կուզեին բռնել: Թուրքի փոլիցնյերն գնացին, առաջին անգամ Սերոբին հանդիպան, շին ճանաչի. թուրքյեր կը հարցնին.

— վարդան Օղլի Սերոբն ուրտյե՞ղ ա:

Սերոբն գիմնա, օր իրեն կըհետևին, կըթողնա վեղրոն էնտեղ, կընստի պարախոդ, կերթա նորեն Ստամբուլ: Երկրորդ օր տոմս խանյեց, գնաց Ռոմանիա՝ Սուլունիա քաղաք (Ռանբեի վրա): էնտեղ, պարախոդի վրա, Սերոբն գնաց աշխատելու, տեսավ, որ հույներն ու թուրքյեր միացած են, խայերուն գործ շեն տա, կըծեծեն խայերուն: էդտեղ Սերոբն տասներինգ խոգի լավ տղամարդկանց կազմակերպեց, յետո ասաց տղոց.

— էգուց օր պարախոդ գուկա՝ աշխատե՛ք. եբօր հույներն ու թուրքյեր գուկան՝ ծեծե՛ք, մ՛վախեք:

էդտեղ գործը հույներու ու թուրքերու ձեռքեն առան, կոխվ էղավ, մե քանի խոդի սպանվան հույներուց ու թուրքերուց:

էնտեղ մե վանեցի մարդ կար՝ ղայֆեշի էր: էդ հույներն ու թուրքյերն բոլոր էդոր մուշտարիքն են: էդ դեպքից հետո, էդոնք խոովան, էլ չըգնացին ղայֆե խմելու: Իրիկուն ղայֆաշին լսեց.

— էսքան տարի էս մարդիկ գալիս էին, էդ ո՞վ էր, օր խրանցրեց հույներուն ու թուրքերուն, որ շեկան...

Ասացին էնտեղաց մարդիկ.

1 «Մի հայ մուսուլման սպանեց, բռնեք, բռնեք հային»:

— Էս հլաթցի տղեն էրաց:

Սերոբն նստած՝ միամիտ ղայֆն էր խմում: Ղայֆնչին մոտեցավ Սերոբին, մե երկու սիլլա խփեց: Սերոբն ոչինչ շասաց: Յետո էդ մարդ գնաց ուր սենյակ, փռչմնավ, Սերոբին կանչեց ուր մոտ, ասաց.

— Նս քեզի խփեցի, համա ներողություն:

էդ մարդ մտածեց, ասավ. «Թե Տաճկաստան յեղափոխութեն գցն՝ էս մարդը պտի գցն»: Յետո Սերոբին ասաց.

— Քեզ փող կուտամ, ծախս կուտամ, նամակ կուտամ, գնա Թիֆլիս Արծրունյանի մոտ²:

էդ մարդ Արծրունյանին գրեր էր, թե՛ «Սոյնի էս տղուն, գնեք առ, տուր. թող էրթա Տաճկաստան յեղափոխութեն քցա, էս աղուց մաղա³, ուրիշ մարդ չըկանա քցա»:

Յետո Սերոբ Արծրունյանի մոտ էկավ. Արծրունյանն էնոր տվեց մե բերդանկա, մե խատ էլ խանչալ, ասաց.

— Դնա՛ երկիր, մի՛ վախենա, յեղափոխութեն քցա, ես կօգնեմ քեզի:

Սերոբ էկավ Տաճկաստան 1892 թվին, սկսավ կազմակերպել ժողովրդին: Ժողովուրդ շէր համոզվեր: Տասնութ խոգի գինյոր ժողվեց ամեն մի գյուղից, որոնք հմեն լե քա՞ մարդ էին: Զինվորներուց Քեոֆն ու Վարդգես՝ արվըրումցի են, Մուշեղն, Հաջի Հակոբն ու Սիմոն՝ բիթլիսեցի են, Բարսեղ՝ Մշու դաշտի վարդեճիս գյուղից էր, Բաղդասար, Փալաբեղ Կարապետն՝ հլաթի Ուտտափ գյուղացի են, Նազրոն՝ Կարճկանի հնձոր գյուղացի էր, Հովհաննես՝ պասեցի էր (Գյուղաղարա), վարդանն՝ Կարճկանի Ուրան գյուղացի էր, Զիբան՝ Պաշվանց գյուղացի էր (Կարճկան), Աշոտն՝ հլաթի Դատվան գյուղացի էր, Առուծ Ավագն՝ հլաթի Կծվակ գյուղացի էր, Բարսեղ՝ հլաթի Ծղակ գյուղացի էր, Ասվատուր, Ճարտարն ու Քյափոն՝ հլաթի Թեղուտ գյուղացի են, Ֆիթն ու Հասոն՝ հլաթի Դաբավանք գյուղացի են, Հաջի Գևորգն Բուլսնրիսի Փրքաշեն գյուղացի էր, Անդրանյեկ՝ Շափին Կարահեսարցի էր: Մինչն էդ ժամանակ կառավարութեն Սերոբի խմբի մասին տեղեկություն չունեց:

1894-ին հունվարի 17-ին Սերոբենց գյուղացի Գրիգոր աղեն կառավարական մաջլիս էր հլաթում. նամակ գրեց, տվեց ուր մշակ Դավոնյան, տարավ հլաթ, հանձնեց կառավարութենին: 500 ղորք, 300 ջանդարմա էկան պաշարեցին Սերոբենց գյուղ՝ Սոխորտ: Առավոտուն Սերոբ դուրս էկավ տնից՝ կովելով գորքերու խյետ, իրան թայեց գերեզմանատուն: Իրյեք ժամ կովելուց հետո (առաջին անգամ Սերոբի ձյեոն մոսին⁴ էր էկել խասյել), գորքերի մեջից, ջանդարմի մեջից կիսելով, կովելով՝ բանցրցավ սար՝ Նամրոթի գոթ (3,5 կիլոմետր նամրոթա բանցրությունն ա): էլավ սարի գոթ, գորքերն ընկան հետեից, դարձավ գորքերուն տարմ ու տաղան էրյեց⁵: Զորքերն ու ջանդարմներն ետ փախան:

Զմեո նամրոթ սարի գլխուն ամենեն թիշ 5—6 մետր ձուն ա գալիս. ձուն ճամփեն փակեր էր, էգտեղ ճամփա չկար՝ ո՛չ արևելքից, ո՛չ արևմուտքից: Սերոբն յեոսուն կիլոմետր ձուն ճղելով՝ գնաց խասավ Շամիրամ գյուղ: Կառավարական ղորքեր հասան Սերոբի տան վրա, մտան, կողոպտեցին. ո՛չ անասուն, ո՛չ շյոր, ո՛չ հավ, ոչ մի բան չթողեցին, իստակ իստրկեցին: Մեծ ախպորն ու ախպոր տղին բռնեցին, գացին Թեղուտ գյուղ, 17 խոգի էլ Թեղուտ գյուղեն բռնեցին: էգյոնց բոլորին տարան Բիթլիս, 101 տարի չեյր ղրեցին: էրկու խոգի՝ Թեղուտցիներ, բանտի մեջ ծեծելուց մեռան: Նույն էն տարին, ապրելու 15-ին Սերոբ 10 խոգով գնաց Բիթլիս: էդ Մուշեղն ու Սիմոն քաղաքին ծանոթ են, էնտեղացի ին, գացին բերդի վրա:

² Խոսքը նշանավոր հասարակական-քաղաքական գործիչ, «Մշակ» թերթի խմբագիր Գրիգոր Արծրունուն է վերաբերում:

³ մաղա—բացի:

⁴ մոսին—ֆրանսիական սիստեմի հրացան:

⁵ Տարմ ու տաղան էրյեց՝ ցիր ու ցան անել, ցրել:

բերդի խարավուլներուն բռնեցին, էդ 16 բանտարկյալներուն, մե խատ էլ քուրդ բանտից դուրս բերեցին: Գնացին Մզրա գյուղ, ախպոր ու ախպոր տղի կանդալներն կտրեցին, օգրերուց խանեցին: Կառավարութեն խրաման տվեց մե շերքեզ Ալի բեկ անունով մարդու, որն 300 ձիավորով ընկավ բոլոր գյուղերուն, սկսավ մարդկանց ծեծել, կոտլել, դաղլել, օր հիմանա՝ ո՛վ է չեղափոխական, ուրտյե՛ղ զենք կա:

1895-ի աշունն էղավ Բիթլիսու կոտորած՝ մոտ 10 խազար ջան, գյուղերուց չկոտորեցին: Արդեն սկսավ էդտլեղ ապստամբութեն, կռիվ, խալմախալ...

1898 թվին Սերոբ գնաց Փափշեն գյուղ (Բիթլիսուց 3 կմ հեռու), նամակ գրեց հաշմանուկի Հովակիմին, էդի քաղքի մեծ շունն էր (քաղաքագլուխը), քի՞ «գինվորներուն» 25 մարդու, շյոր խրգա դա, ես շուզյեմ քաղաք գալ, օր քաղքի ժողովրդին վտանգ չպատահի»:

Յետո Հովակիմն շորի փոխարեն 1500 թուրքի զորք խրգսեց՝ իրլեք խատ թնդանոթով: Ջորքն էկավ, Փափշեն գյուղն պաշարեց: Սերոբն ուր քսանխինգ գինվորով էլավ Փափշինա սարի գլուխ: Կռիվ սկսեց: Թուրքեր էրկու թնդանոթ զարկեցին. Անդրանեկի խորոխպետ Սարգիս էնտեղ մեռավ: Թնդանոթն առավ քարին, քար կայտվ գլխուն՝ մեռավ: Յետո Սերոբն նշան բռնեց թոփշու վրեն, շթողյեց օր կրակեր: էրկու թոփշին էլ շկարացին կրակին, էրկուսին էլ սպանյեց: Յետո ուր գինվորները՝ 10 խուլի դնացին, խինգ մե կողմից, խինգ մեկել կողմից, «ուռա» տվին, թնդանոթներ վերցրեցին: Թուրք գինվորներ փախան: Թնդանոթներ առան, իրենց պետք չըրիգե, կապեցին, թողեցին սարի գլխից, գնացին թափվան ձոր, ջա՛րդ ու փշուր էղան:

էդ օր թուրքերուց մինչև 500 խոգի սպանվան: Թուրք հեծելազորք քաղաքից էկավ: Փափշենի մոտ մե կամուրջ կար՝ Դիարբեքրի. էդ հեծելազորքի մեծն՝ Ջուանշիր Ասքյարն, հենց օր էլավ կարմնջի վրեն, Սերոբն նշան բռնեց, զորքից հեծելազորքի խրամանաւորին սպանյեց: Ջորքն էս օր տեսավ՝ թողից փախավ: Կառավարութեն տեսավ, օր զորքը փախավ, ինքն էլ քաղաքից էլավ փախավ: Սերոբն յուր գինվորներու խչետ մինչև իրիկուն մյուս զորքերու խչետ կովավ: Փալարչեղ Կարապետն ու Հովհաննես վիրավորվան, Անդրանեկի խորոխպետ Սարգիս լի, քսինք օր՝ մեռավը:

Կարապետն գինվորներու խչետ մի կերպ գնաց, Հովհաննես չըկրցավ էրթեր, ինքն իրեն թաքցրեց, օր շտեսնեին գինվորներ, որովհետև օր տեսնեին ծանր է, կարող է սպանեին: Հովհաննես, մոթն օր ընկավ, ոռքաշ սարի գլխին էկավ, ընկավ գեղի մեջ: Գլուղացու մեկ կըտեսնա՝ կը գցե կողովի մեջ, խոտով կը ծածկու, կը տանե թավլեն, կը սլախա: Թուրք գինվորներ կուղան կը փընտրին. շեն գտնի:

էդոր մասին խաղ կա կապած.

Կարապետ շալկեց Հովհաննես,
Տարավ խասուց խոտի դեզ.
Արուն թափավ լուսի-լուսի:

Սերոբ տեսավ, օր ուր սրջանում (խլաթում) ամեն օր էդպես կովու դեպուներ կեղնին ուր պատճառով, մտածյեց, առավ ուր էրկու եխպոր, ուր կնկան, ուր տղին, էրկու հատ էլ գինվորի, 1899 թվին աշուն, սեկտեմբեր ամսուն էր, գնաց Սասուն: Ասամ՝ դնամ, մյեր սրջան թող մե րիչ խանգստանա: Գնաց Գալիեզուզան գյուղ՝ Սասուն, իբր թե Սերոբի հավատարիմ տերտերի տուն: Մշեցի մե հատ կառավարական հայ փոլիս՝ տերտերի հետ խոսուց, տերտերին խափյեց, փող խոստացավ տերտերին. Մշուց թուլյն բերեց, տվեց տերտերին, ասաց.

6 քի-թե:

7 Փալարչեղ Կարապետի ահարկու տեսքը պատկերացնելու համար՝ Մուրադն ավելացրեց հետևյալը. «Բաթում մե ոռու կնիկ Փալարչեղ Կարապետին տեսչեր էր, էդոր կերպարանքիս վախեցեր, գնացեր էր էրիսեն ընցուցչեր էր (=վիժել էր)»:

— Կովու մեջ շենք կրնա մինք էդոր (Սերոբին) տղթիլ, թույնով պիտի աղթենք:

էդ օր Սերոբն ու ուր էրկու եխպար տերտերի տունն ին, կնիկն, տղեն ու էրկու զինվոր՝ ուրիշի տունն ին: Տերտերն թույն լցրեց պանրի վրա, տվեց Սերոբին ու էրկու եխպորն: Տերտերն մե կողմից թույն պատրաստեց, մյուս կողմից կառավարական զորքին խաբար տվեց: Ջորքն ու ջուրտ աշիրաթնյերն հալիլա: Բշարի գլխավորութեամբ էկան, գյուղը պաշարեցին: Արդեն Սերոբն ու ուր էրկու ախպեր թունավորվուկ էին: Սերոբն ըսկի շը կրցավ հրացան դցեր, թունավորվուկ էր: Դուրս էկավ, արտի մեջ ընկավ, մեռավ:

Սերոբի կնիկն՝ Սոսեն, ուր տղեն ու զինվորնյեր՝ Սեդրակն ու Հասոն, իրչեք ժամ զորքի խլետ կովան, հետո տղեն ու զինվորնյերն սպանվան: Սոսեն վիրավորվավ էրկու տեղով: Սոսեին բռնեցին, բերեցին Բիթլիս: Սերոբի զլուխն հալիլա: Բըշլուն կտրեց, խանձեց կառավարութենին: Կառավարութեն էլ գլուխ տարավ Բիթլիս, սարան, տվին առաջնորդին: Առաջնորդն էլ տարավ Կարմրական եկեղեցին, թաղեց (Բիթլիսու մեջի եկեղեցին):

Կը հավատա՞ք օր, ով օր դողցնում էր, գնում էր, Սերոբի գերեզմանի խող կը բերեր, կը գցեր շրի մեջ, կը խմեր ու դող կը կտրեր:

Սոսեն բռնեցին, բանտարկեցին, իրչեք ամիս յետո վերքեր լավցավ, թողեցին:

Ժողովուրդն խաղ կապեր էր, կերգեր.

Գալեզուզան մանտրիկ ուռ,
 Ջորքեր էկան ժամու դուռ,
 Սերոբ ըսաց՝ Սոսե, դուլբին՞ տուր:
 Գալեզուզան սարեսար,
 Ասքյար էկավ, լվան սար,
 Ջոք գարկ գետին՝ դա՛ր, հա՛, գա՛ր:

8 փոլիս — ոստիկան:

9 դուլբին՝ դուրբին — հեռագիտակ: